

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خار ج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآزاده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله بن
یازیلر اعاده اولنماز .

الکتابخانه

۱۳۳۰

آدرس تبدیلنده آریجه
۵ غروش کوندرملیدر .

مکتوبلرک امضاری واضح
واوقوناقلی اولنی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی ییلدیرلمسی
رجا اولنور

اتبعون اهدکم سنیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

مسلمانانك حقیقتی بیسەرلر، تاریخ اسلامی تتبع ایتسەرلر بووردکلری حکمك باطل اولدیغی اکلارلردی .

هیچ شیه یوقدرکه مسلمانلوق تکرار دیریله جك ومسلمانلر فلاح واستقامت یوللارنده کیدرک سلفلرینک تاریخی احیا ودورلرینی تکرار ایدم جکلردر . او زمان قرآنه طعن ایدنلر مسلمانلرک قرآنلرینه عودت سایسندم سمادته نائل اولدقلرینی کوره جکلردر . « وما کان ربک لیهلک القرى بظلم واهلها مصلحون »

اهتمامنامه غریبیلر ربوزغورجیلر :

ذهنیت مسئلهسی

خاصه شعوره مالک اولان برانسانک افعال ، احوال وحرکاتنده « تصور وتصمیم » مستند بر موازنه فکریه موجوددر . بوموازنه ویا محسادهلک طرز تکونی ، فطری اولقله برابر - تخیل ، محسوس کی قابلیتک درجه انکشافه - محیطک شرائط عمومیه نه تابعدر . فرط حساسیت ، ضعفیت عصبیه ، وسعت تخیلهلک تظاهرات خارجیه سی کوزل بر تدای ، وبعض تدایر خصوصیه ایله قابل تعدیلدر . آنجق احوال اجتماعیهلک ، محیطله تماسک ساری وشموللی اولان تأثیرات وعکسی تأثیراتک ازاله سی شخصی اهتماملرله ممکن اوله ماز ، بلکه هیئت اجتماعیهلک ، مشترک یشایش ، تحسس ، غنغات ، قابلیت شکللرینه کوره مثبت واصطفایه منهی رمسلک تعقیبی صورتیله افرادی وبالنتیجه جمعیتی اصلاح امکانی الده ایدلش اولور . ایشسته : محیطک ، افعال وحرکات انسانیهلک ناظمی اولان دماغ وخاصه میزه اوزرنده کی انطباعاتی « ذهنیت » دینلن طرز تفکری تولید ایدر .

اجتماعی قانونلرک تدقیقله صفحات واستحالاتی تنور ایدن ، هر هانکی فعلک ایلک موازنه نی تشکیل ایدن بو انطباعات افرادی غیر ارادی واختیاری اوله رق سوروکلر ، تدریجاً غایه سندن اوزاقلاشدیرر . انسان ایسته مهیه ، ایسته مهیه محیطنه ، اونک فضائل وفضایحه رام اولور . شخصلری ، قابلیتلری بلع ایدن بوقوت روحلردن باشلهرق ، تحسس ، معاشرت ، اخلاق ، تربیه ، مساعی اوزرنده تام بر تأثیر براقیر .

بونک ایچوندرکه : ملتک بیه سی کنجششدیره جک ، مشترک حیاتک بتون انطباعاتی هیئت اجتماعیهلک مطلق نفعنه خادم بریوله توجیه ایدم جک برانقلاب اجتماعی وجوده کتیرمک دائماً ک کوچ واک معضل مسئله عد اولمشدر .

حالبوکه دین مینمز وضع ایلدیکی اساسات ایله بتون مشکلاتی حل ایتش ، جمعیتک مشترک حیاتنده یالکز منفعته ، یالکز ترقیات

حقیقتمشدر . امیرالمؤمنین (عبدالرحمن الناصر) ک دورنده (قرطبه) سرایلر ، باغچلر ، حیوانات وقوش باغچهلری ، قاریقهلر ایله طولمشدی . (زهره) ، (ناعوره) ، (روضه) کی سرایلری عبدالرحمن انشا ایتمشدی . بوسرایلرده کوزللیکی غیرقابل توصیف صالونلر بولونیوردی . بالخاصه (قصر خلافت) تسمیه اولونان سرای هر درلو ستایشک فوقنده ایدی . بونلر حقنده فکر ایدنک ایچون مقرنک (نفع الطیب) نه مراجعت کافیدر . عبدالرحمنک دورنده اندلسده ۸۰ بویوک شهر ، ۳۰۰ قصبه ۱۲۰۰۰۰ چیفتلک قرطبه ، زهره ، وزهر اکوزل بنارله ، معموره لر ایله طولوایدی . سرایدن انتشار ایدن ضیالره اون میل مسافه کیدیلیردی .

اسلام خا کیتی دورنده طلیطلهده ایکی یوزبیک نفوس بولونیوردی . قرطبهک حوالیسی سکیز فرسخ امتداد ایدیوردی . اندلسده (۶۰۰۰۰) سرای ۲۸۳۰۰۰ قوناق بولونیوردی . ایشیلیده یالکز ایکی طوقومنه مخصوص ۶۰۰۰ دستکاه واردی . حال بوکه ۱۷۴۲ سنه سنده مملکت اسپانیولره کچنجه بو تون دستکاهلرک عددی (۱۰۰،۰۰۰) دن عبارتدی . عمومی وخصوصی مکتبلره کچنجه مسلمانلرک بونلره درجه اهتمامی فوق العاده ایدی . (حکم بن عبدالرحمن) ک کتبخانه سنده (۴۰۰،۰۰۰) جلد کتاب بولوندی کی خلیفه (ناصر عباس بن المستضی) ک کتبخانه سیده بو قدر کتابی محتوی ایدی . قاردینال (اقسیمینیس) غرناطه سمیدانلرنده بر کونده (۸۰،۰۰۰) جلد کتاب یاقشدی . سیاحلردن (ابن البندی) ۱۱۴۰ سنه میلادیه سنده قاهرهده یالکز علوم ریاضیه وفلکیه یه عائد (۶۰۰۰۰) اثر وبریسی عبدالرحمن العسوفی یه عائد اولق وزره ایکی کره کورمشدی .

مسلمانلرک سائر اقوامه فائیتلری واونلره قارشى رهبرلکلری یوقاریده ایضاح ایتدیکمز معارف وصنایعه ، تشکیلات مدنییه انحصار ایتیه یوردی . بوندن باشقه مسلمانلر موسیقی و غنا ایله مشغول اولمشلر . ایران ، هندستان وروما مملکتلرنده بولدقلرینی آملشلر وبونکله اکتفا ایتیه رک سائر فنونده یایدقلرینی موسیقیدهده یامیشلردر .

ممالک اسلامیهلک مدنیق ، سیاسی حقنده درمیان ایتدیکمز بو مطالعات دین اسلامک نه صورتله ابتدائی بر طاقم اقوامی آنسزین ابتدایشلکدن قورتارده رق مدنیق فاضله ساحه سینه نقل ایتدیکنی ارانه ایتیمکده در . روح اسلامک بونی اقتضا ایتدیکنی ومسلمانلرک صوک عصرلرده دوچار اولدقلری تأخر وضعفک آنجق بو نجیب روحدن ، علم ونور روحدن ، عدالت ومدنیق صحیحه روحدن ، اخوت وخلقجیلق روحدن اوزاقلاشلارندن ایلری کلدیکنی ایضاح ایدر . دین اسلامه هجوم ایدنلر ، مسلمانلرک مدنیته دشمن ، مسلمانلرک حیات میدانلرنده باشقه لر یله مسابقه دن عاجز اولدقلرینی ادعا ایدنلر

وانکشافه مساعد برحرا آچشد. ظهور اسلامیتده عربلرک وضعیت اجتماعی لری، عقیده لری، معاشرت لری مظلم بر عمای جهل ایچنده تفسیخه اوغرامشدی. شرق، صنمپرستلک کینی نیجه سی؛ غرب، نعصبک، ظلم واستبدادک قانلی جنبری ایچنده بوغولیوردی. وجدانلر صوصمش، بشریت قان واشکنجه ایله خلاصه ایدیه بیله جک اولان بردورک بتون اعتسافاتی یاشایوردی.

محیطک تأثیراتی هر کسده قانلی بر ذهنیت تولید ایدیوردی. حق مفهومی یرینه قلیجک ظفری، غالبک سوزی نافذ بولونیوردی. انسانیتدن، قیود وجدانیه دن قورقلش اولان بو کتله لری نور اسلامیت تنویره باشلا نیجه بشریت یکی بر دوری ادراک باشلادی. عربلر عصرلرک دوغوردینی سیئه لری، عادات جاهلیه لری ماضینک قارا ککقلرنده ترک ایتدیلر. یکی بر روح، یکی بر طرز تفهم، الحاصل یکی بر حیاته آیتلیدیلر. وجدانلری ایدینلاتان بو نور یواش یواش محیطی قابیلادی، مشترک بردوشونوش، مشترک برحس حریت، مشترک بر غایه ایله حصول بولان اسلامیت ذهنیتی مدھش بر نفوذ و قوتله اطراف استیلایه باشلادی. بونک اوکنه کچمک ممکن دکلادی. چونکه دساتیر اسلامیه افرادی جمعیتله او قدر علاقه دار بولندیریوردی که: فردلر جمعیت خدمتدن، جمعیتده افراده منفعتدن بشقه برشی تأمین ایده میوردی.

قوای کائناتی بر خالقه مربوط کورمن، و او وحدانیتک اطرافنده طوبالانان مسلمانلر - منسوبیت قومیه و موقعیه لری نه اولورسه اولسون - نظر حقه مساوی اولدقلرینی؛ وظیفه لرینک ظلم دکل، عدالت اولدیفنی؛ طاغلمق دکل، طوبالانمق، تعاون و تناصرله یوکسلیمک مجبوریتنده بولندقلرینی ادراک ایتمشلردی. بناء علیه: بتون بو مشترک عمده لری حریمنده طوبالایان محیط؛ اطرافنده نور، عرفان، حیات صاحبغه، وجدانلرینی تهذیبه کافی قوته مالکدی. جزیره العربک بادیه لرندن طلوع ایدن شمس اسلامیت آز زمان ایچنده شرق و غربی ضیاسیله قابیلادی. بتون دنیا به مساوات و حق مفهوملرینی اعلان ایدن اسلامیتک، نفوذ حکمرانیلرینی، قانی احتیراضلرینی زیر وزیر ایده جکینی یقیناً بیان مستبد حکمدارلر، کلیسالر بو حق و شرف دینه قارشی مجادله به باشلادیلر. اهل صلیب سفرلری یکدیگرینی ولی ایتدی. بر طرفدن شووالیه لر کور قیلجلیلرله سطوت اسلامی قیرمغه اوغراشیرکن دیگر طرفدن حیلہ سی، فساد، شیطنیله بتون جاسوس اوجاقلری، بازرگانلری، راهب لری حریم اسلامه صوقولمغه باشلادیلر. وقت وقت اسلام ملت لری نه سوء اداره، احتیراضات شخصیه واحکام شرعیه دن مباحثه نتیجه سننده طاری اولان موقت بحرانلردن بتون قوتلریله استفاده به چالیشدیلر. عالم اسلامک - مرشدلرینک لاقیدیسی یوزندن - گرفتار

جهل اولمغه باشلادی زماندن اعتباراً ضعفیت اخلاقیه، نفاق و تکاسل رواج بولدی. رؤسانک - روح اسلامه منافی - طرز اداره سی یواش یواش افرادک صلابت روحیه لرینی و بالنتیجه محیطک اصطفا قابلیتینی کوشتمک باشلادی.

شرائط اجتماعی ده حصوله کلن تشتت سائقه سیله شخصیتلر تأثیرات محیطیه مقاومت ایده مەمک باشلادیلر. بونتیجه مشترک ذهنیتده ضرردن خالی قالدی. ایلك اوکجه حس مجاهده دن باشلیان آثار ضعیف تدریجاً بنیه اجتماعیه ناک بوتون عضولرینه سرایت ایتدی. تردیات و ترقیاتک اجتماعیتمزده نه قدر نقاط اساسیه وارسه کافه سنه شامل اولمسی بر امر طبیعی اولدیفندن بوکونه قدر علی التسلسل دوام ایدن سقوط طمزدده؛ استبداد، عداالتیزلک، تربیه ابتدائیه به عدم اهلیت، درجات تحصیلیه به تربیه دینییه عدم اعتنا، نفاق و شقاق نتیجه سی قوتدن محرومیت، کسلان و اقتصادی محرومیت، سجه نیک تعقیبه کافی بر متانت فکریه استحصال ایدیه مدیکندن غربیه عائد عاداتک قبولی، کورکورینه بر تقلیدک هر کون دها زیاده انتشاری کبی یکدیگرینه مربوط بر طاقم سیئات اجتماعیه ناک کندیلرینه کوره بر موقعی وارد. بلا استثنا هر کس - حتی الک متعصب غریبیلر من بیل - تصدیق و اعتراف ایدیوردی: بوکون وجه بیزمنی غیب ایتش، اخلاق سقو طمزش، اقتصاداً فقیرلشمش، علماً، قنأ پک کریلرده قالمش بر حالده بولونیوروز. بو خصوصده همیز متفقر. آنجق مرضک کشف و تحلیلنده آریلوروز. غربیه فضله بر تماشک، غرب محیطنک بوتماسی نتیجه سننده ذهنیت اوزرنده اجرا ایلدیکی تأثیراتک مغلوب اولانلر، انحطاط و تردیاتی آز اساساً عطف ایدره ک یوکسلیمک ایچون اوروپا یالاشمقدن بشقه چاره اولمدینی ترانه سی علی الدوام تکرار ایدوب دوریورلر.

حالبوکه تاریخ، علوم اجتماعی واضحاً قصورک اساسده اولیوب بلکه او اساساتک اهلانندن متولد اولدیفنی ارانه ایدیور.

بو دقیقه قدر عنعناتمزدن انحراف ایتمکله فصل سقوط طمزی تهیه واحضار ایلش بولونیوروسه ق امین اوله لمک: دین، امرجه، تاریخ، حس و روح اعتباریه اجتماعیتمزله، حیاتیتمزله هم آهنگ، هم عیار اولمایان غرب مدینتک قبولی صورتیه فلاکتلر منی تضعیفدن بشقه برشی قازانه می جفت. حال تردیدن قورقلق، جهانشمول روح تعالیمزی اله ایده بیامک ایچون هیئت اجتماعیه مرک تصفیه و اصلاحی بر امر ضروریدر. بونک ایچونده اوزون اوزادی به انقلابات اجتماعی قوانینی تدقیقه لزوم یوقدر. چونکه بتون بو طبیعی قانونلر دین فطری اولان اسلامیت اساساتی تأییددن بشقه بر جهت ارانه ایده مزلر.

محیطک یالکیز منفعت و سجه تلقین ایده بیلمسی ایچون اول امرده

بر چو قلربی از برلش اولمالی . بو قدرده کافی دکادر . عینی زمانده بر منکری الزام واسکات ایدیه بیلجه چک قدر علوم عقلیه دن بهره مند اولمیدر . بونکله برابر واعظ فصیح و بلیغ بر خطیب نطوق اولملی درکه دلائل خطاییه سی جماعتی تسخیر ، آهنگ الفاظ دلنشینی یورکره تأثیر ایتسون .

بر واعظک دماغندن جامعک هر طرفه داغیلان موجات نصایح تهزیز ایدیه چکی سامعه لرده بر حسن انشراح ، تهییج ایدیه چکی دماغلرده بر انقباض حاصل ایدیه چک قدر علوی اولمق لازمدرکه اونک وعظندن بر فائده کوریه یلسین . شو حالده بو درجه مهم اولان وعظ وارشاد مسئله سنک ایجابات عصره ، اقتضای زمان و مکانه ، احتیاجات ناسه کوره مختلف اصوللرله ایفا ایدیه سی حکمت و مصلحته موافق اوله جنی شبهه سزدر . حد ذاتده بو قدر اهمیت اولان بو مسئله بی اهمال ایتک دین نامنه پک بیوک بر ضرردر .

مع التأسف بو کون واعظلر ارباب عقولی آغالاته چق بر درکه یه اینمشدر . کندی وظیفه و مسئولیتک قدسیت وعظمتی ادراک ایدیه چک قدر عالم ، جماعتک هر ساعتده کی احتیاجات حقیقیه سی تقدیر ایدیه چک نسبتده حکیم واعظلر یتشدیرمک بوامتک اوزرینه بورج اولدیفی حالده کیم بیلیر نه کی بر دوشونجه ایله صوک زمانلرده واعظلر ، رسماً درس عاملردن دون بر مرتبه ده طولش و بو مهم وظیفه دائماً رؤس امتحانلربی قازانه میانلره تخصیص ایدلشددر . بونک ایچون درکه ارباب اقتداردن اولان اعظم علما وعظه تنزل ایتمز ، بو یوزدن کیت کیده وعظ ونصیحت یوللو ایکی سطرلق سوزی بر آرایه کتیره من بر حاله کلشددر . حقیقی علمانک بو وظیفه مقدسه بی ایفادن استنکاف ایتملری درکه کرسی مواعظ نه اولدقلری بلیرسز بر طاقم جهله طرفندن غصب ایدیلرک بیچاره خلقه احکام دینیه نامنه عقل و شرعک حریم عرفانه صیغیه چق بی اساس خرافه لر ، اسرائیلی حکایه لر تلقین ایدیلرکده اولدیفی . وقت وقت مشاهده اولنقدده در . واعظلر مسئله سنک اهمیت وعظمتی تقدیر و صوک زمانلرده سقوط ایلدیکی درکه بی و بونک نتایج الیمه سی ادراک ایدن بعض رجال مهمه بوندن سکز طقوز سنه اول بواشی دوشونمش و هر مصرفی خزینة اوقافه عائد اولمق اوزره استانبولده مدرسه الواعظین نامنده افکار عمومی جهانی تنویر ایدیه چک بر مؤسسه عرفان وجوده کتیرمش ایدی . بو مؤسسه مهمه نک نظامنامه و پروگراملربنک تدقیقندن اکلایله جفته کوره بو مؤسسه اساس اعتباریه نه مدرسه ، نه درس عام یتشدیرمک مقصدیه تأسیس ایدلیوب آنجق اقطار اسلامیه ده احکام عالیة قرآنی و سنت سنیه نبویه دائره سنده مکارم اخلاقیه بی و دین مبین اسلامک ترقیات مدنییه خادم حکم جلیله و مواعظ حسنة اجتماعیه سی نشر و تلمیم ایدیه چک ارباب ارشاد و دعا یتشدیرمک ایچون تأسیس ایدلش بر مؤسسه دینیه در .

افرادک یوکسلمشی ، اساسات اسلامیه درت ال ایله صاریله رق عنعناتی هر شینک فوقده طوموسی ایجاب ایدر .

بناء علیه : آرق اک منور طبقه لر مزدن اعتباراً بتون مسلمانلر یشامق ایچون عربی ، مدنیت غریبه بی دکل ؛ اسلامیتی ، مسلمان مدنیتی یکانه مقتدابه اوله رق قبول ایتلیدرلر . ایشته یالکیز بو ذهنیتدرکه : تخمین ایدیه میه چک درجه ده آزر زمانده عالم اسلامه روحاً ، علماً ، فعلاً اک بیوک قوتی ، اک محیر العقول ترقیاتی تأمین ایدیه چکدر .

مس حکمت

مدرسة الارشاد

شریه وکالت جلیله سی تدریسات مدیر عمومی فاضل محترم آقسه کیلی احمد حمدی افندی برادر من مدرسه لک زمانک ایجاباتله متناسب بر حال مکملیه افرانی خصوصنده بوتون موجودیتله چالیشدیفی ، آناتولینک مان هر طرفنده بر جوق مدرسه لک کشاد ایدرک حیات علمییه جانلاندیرمقده اولدیفی معلومدر . یکنلرده دارالخلافه لک و مدارس علمییه نک تکاملی حقنده مهم بر راپور قلمه آلان موی الیه بو دفعه ده مدرسه الارشاد حقنده شریه وکالت جلیله سنه بر راپور تقدیم ایتدیکی خبر آلمشدر . ایشو راپورک الده ایتدیکن بر صورتی بوجه زیر عیناً درج ایدیورز :

معلوم وکالتپناهیلریدرکه ادیانک خیاتی دعوتلده در . بونک ایچون درکه حکمتله ، موعظه حسنه ایله ، اک کوزل مجادله ایله امر بالمعروف ، نهی عن المنکرده بولونه چق بر هیئتک وجودی نص جلیل مقتضاسنددر . مع مافیه دعوتک مؤثر و منتج موقییت اوله ییلمسی ایچون زمانی و محیطی بر طاقم شرائط وارددرکه اونلره رعایت ایدلدیکجه دعوتدن بر فائده حاصل اولماز .

انقطاع وحی دن صکره وظیفه تبلیغک وارث حقیقیلری واعظلر اولمشدر . واعظلر بو اعتبارله امتک پیشواسیدر . « ادع الی سبیل ربک بالحکمة والموعظة الحسنة وجادلهم بالتي هي احسن » نظم جلیلی ایله مخاطب اولان بی ذیشان افندیمره وارث اولان بو صنف ممتاز « انما بعثت لاتم مکارم الاخلاق » مضمون منیفنده مندیج غایة بعثی تلقین و تقریر ایله مأمورددر . بناء علیه واعظ مربی امتدر ، معلم فضیلتدر ، ملقن حکمتدر ، وارث وظیفه نبوتدر .

بویله بر وظیفه نبوتله سرفراز اولانلرک خلقه ، خالقه ، پیغمبره و امته قارشى مسئولیتی نه قدر عظیم اولدیفی ادنی بر ملاحظه ایله آکلایلیز . بو قدر علوی بر مقصد دین ایله تأسس ایدن واعظلک صنفنده بولانلر هر حالده جوق عالم و حکیم اولملی ؛ اوامرونواحی السیه بی و نه نلرده کی حکم اسراری ، تکالیف شرعیه و مصالح عبادی ، سنن نبویه بی بالجمله دقایقه بیللمیدر . تفاسیر شریفه ایله فوق العاده توغل ایتش ، احادیث نبویه دن